



DEN NORSKE KYRKJA
Fjaler kyrkjekontor
Dalstunet, Dalsvegen 105A
6963 Dale i Sunnfjord
Telefon: 57 73 97 70
E-post: kyrkjesekreter@fjaler.kyrkja.no
www.fjaler.kyrkja.no

KONFIRMANT* 2022

Dale, tysdag 18. mai 2021

Kjære ungdom og foreldre/føresette!

Vi inviterer deg til å vere med på konfirmasjonstida i Fjaler for året 2021-2022 med konfirmasjonsgudsteneste på vårparten neste år. Vi håpar du har lyst å vere med!

Som konfirmant vert du betre kjend med oss som arbeider i kyrkja og kyrkjelyden. Men vi ønskjer aller mest at du skal bli betre kjend med Jesus Kristus. Vi vil fokusere på dei "STORE" spørsmåla; om Gud, om trua og mennesket, livet og døden. Dessutan vil vi diskutere mange etiske tema og dei vala vi gjer i livet.

Konfirmasjonstida sitt timetal er til saman 60 timar der vi skal gjere og vere saman om mange ting.

Alle konfirmasjonssamlingane er utanom skuletida i Dale kyrkje med måltid på Ljosheim. Det vil vere ei samling i månaden i tidsrommet **kl.18.00-20.30**. (Sjå vedlagte «hugseliste»)

I tillegg til dette blir konfirmantane delte inn grupper der kvar gruppe førebur ei gudsteneste. Det vil være ei førebuingssamling for kvar gruppe før desse gudstenestene.

Onsdag 20. oktober 2021, ettermiddag og kveld, reiser konfirmantane på inspirasjonssamling med Farmenprest Thor Haavik på Alværa Misjonssenter der også Askvollkonfirmantane deltek. Vi ber konfirmantfamiliane merke av denne datoen då turen har høg prioritet i konfirmantopplegget.

Fredag 21. januar 2022 reiser konfirmantane på **Nattcup** til Førde.

Det planlagt **konfirmanthelg på Alværa laurdag 2. – søndag 3. april 2022**.

Den obligatoriske **samtalegudstenesta** vil vi ha som avslutning på konfirmanthelga: **søndag 3. april kl. 19.00 i Dale kyrkje** for alle konfirmantane i Fjaler.

Fasteaksjonen, måndag 4. – tysdag 5. april 2022, er ein dør-til-dør-aksjon der konfirmantane samlar inn pengar til Kirkens Nødhjelp. Bøsseberarane vel sjølv den dagen det passar. Fasteaksjonen blir avslutta med **solidaritetskonsert i Dale kyrkje tysdag 5. april kl. 20.00**.

I løpet av året må konfirmantane delta på til saman **10 gudstenester** – også som *medliturgar* saman med presten. Dei song- og musikkglade konfirmantane kan bidra som *forsongarar*, *syngje i kor* og *spele* i nokre gudstenester. Vi treng også nokre til å styre powerpoint på einskilde gudstenester.

Skal opplegget fungere, krevst det at kvar konfirmant er villig til:

- Å gå inn for å få mest mogleg ut av konfirmasjonstida.
- Å fylgje opplegget så langt som råd.

Udøypte konfirmantar kan bli døypt i løpet av konfirmasjonstida. For å bli konfirmert, må ein vere døypt. Viss dette er aktuelt, berre ta kontakt.

Eigenbetaling for aktivitet i konfirmantåret er med og dekker utgifter til Nattcupen m/bussreise retur laurdag morgon frå Førde, konfirmanthelg på Alværa, og konfirmantkapper som leverast ferdig vaska og strokne konfirmasjonsdagen.

Eigenbetaling for konfirmasjonsåret er på kr.1400,-. Giro vil bli levert/sendt til dei påmelde på haustparten.

Ønskjer du å bli innskreven som konfirmant, må du gå inn på denne adressa: <https://minkirkeside.no/Fjaler> (du finn lenkja på heimesida vår) og melde deg på. Ha klart personnummer, telefonnummer og e-post til konfirmanten og foreldra samt stad og dato for dåp før du begynner. Du registrerer deg først med mobilnummer, så får du ein kode som du tastar inn. Du kan logge deg inn igjen seinare om du vil endre eller leggje til opplysningar. Vi anbefaler at konfirmant og foreldre/føresette gjer dette i lag.

Om ikkje du får til elektronisk påmelding, må du ta kontakt med kyrkjekontoret, så hjelper vi deg.

Før sommarferien er gudstenester med konfirmantinnskrivning desse søndagane:

Hellevik kapell	søndag 6. juni	kl.11.00
Dale kyrkje	søndag 6. juni	kl.19.00
Guddal kyrkje	søndag 13. juni	kl.11.00

Til hausten er gudstenestene med konfirmantpresentasjon desse søndagane:

Folkestad kapell	søndag 15. august	kl.11.00
Dale kyrkje	søndag 29. august	kl.11.00
Guddal kyrkje	søndag 29. august	kl.14.00

Konfirmasjonsgudstenestene våren 2022 er sett opp slik:

Folkestad kapell	laurdag 30. april	kl.11.00
Dale kyrkje	laurdag 7. mai	kl.11.00
Guddal kyrkje	laurdag 14. mai	kl.10.00
Guddal kyrkje	laurdag 14. mai	kl.12.00

NB! På grunn av situasjonen rundt korona-pandemien, må vi ta forbehold om endringar i opplegget.

Vi ser fram til å bli betre kjent med deg! Velkommen som konfirmant!

Beste helsing



Knut Arne Kummeneje, sokneprest

Mobil: 908 55 230

knut.arne.kummeneje@fjaler.kyrkja.no